



বাংলাদেশ কনস্যুলেট জেনারেল  
টরন্টো, কানাডা



প্রেস বিজ্ঞপ্তি

১৭ মার্চ ২০২২, টরন্টো,

বাংলাদেশ কনস্যুলেট জেনারেল টরন্টোতে যথাযোগ্য মর্যাদায় জাতির পিতা বঙ্গবন্ধু শেখ মুজিবুর রহমানের ১০২তম জন্মবার্ষিকী ও জাতীয় শিশু দিবস ২০২২ উদযাপন করা হয়। কনসাল জেনারেল জনাব মোঃ লুৎফর রহমান কর্তৃক জাতীয় পতাকা উত্তোলনের মধ্য দিয়ে দিবসটির কর্মসূচী শুরু হয়। এরপর বাংলাদেশ কনস্যুলেট প্রাঙ্গনে এক আলোচনা সভা অনুষ্ঠিত হয়। অনুষ্ঠান সূচিতে ছিল বাংলাদেশ ও কানাডার জাতীয় সঙ্গীত পরিবেশন, বঙ্গবন্ধুর প্রতিকৃতিতে ফুলেল শ্রদ্ধা জ্ঞাপন, মহামান্য রাষ্ট্রপতি, মাননীয় প্রধানমন্ত্রী, মাননীয় পররাষ্ট্র মন্ত্রী এবং মাননীয় পররাষ্ট্র প্রতিমন্ত্রীর বানী পাঠ, বক্তব্য উপস্থাপন, কেক কাটা,চিত্রাঙ্কন প্রতিযোগিতার পুরস্কার বিতরণ, সংক্ষিপ্ত সাংস্কৃতিক অনুষ্ঠান ও বিশেষ মোনাজাত।

কনসাল জেনারেল জনাব মোঃ লুৎফর রহমান তাঁর বক্তব্যের শুরুতে জাতির পিতার স্মৃতির প্রতি গভীর শ্রদ্ধা জানিয়ে বাংলাদেশসহ বিশ্বের সকল শিশু কিশোর কে আন্তরিক শুভেচ্ছা জানান। তিনি বলেন ১৯২০ সালের ১৭ই মার্চ গোপালগঞ্জের টুঙ্গিপাড়ার শেখ পরিবারে বঙ্গবন্ধু জন্মগ্রহণ করেন। ছোটবেলা থেকেই তিনি ছিলেন নির্ভীক এবং পরোপকারী। তিনি শিশুদের ভীষণ ভালবাসতেন। আমরা অত্যান্ত সৌভাগ্যবান যে ২০২০ সালে জাতির পিতার জন্মশতবার্ষিকী উদযাপন করতে পেরেছি। মহান নেতার জীবন ও আদর্শ অনুসরণে এ দেশের শিশুদের সুনামগরিক হিসেবে গড়ে তুলতে মাননীয় প্রধানমন্ত্রী শেখ হাসিনার নেতৃত্বে বর্তমান সরকার কাজ করে যাচ্ছে।

সর্বশেষে জাতির পিতার বিদেহী আত্মার মাগফিরাত কামনা করে, আগামী দিনের কর্ণধার শিশুদের উজ্জ্বল ভবিষ্যৎ ও দেশের সর্বাঙ্গীণ মঙ্গল কামনা করে বিশেষ মোনাজাত করা হয়।

